

ՀՀ Վայոց ձորի մարզպետի կողմից 2019 թվականի ընթացքում կատարած աշխատանքների վերաբերյալ

Մարզպետը օրենսդրությամբ իրեն վերապահված լիազորությունների շրջանակում ապահովվել է ՀՀ օրենքների, Հանրապետության Նախագահի հրամանագրերի, ՀՀ կառավարության և վարչապետի որոշումների, ինչպես նաև այլ նորմատիվ իրավական ակտերի կատարումը: 2019 թվականին մարզպետի կողմից ընդունվել են 61 որոշումներ և 156 կարգադրություններ, աշխատակազմի ղեկավարի կողմից արձակվել են 267 հրամաններ: 2019 թ. հունվարի 11-ի թիվ 1 որոշմամբ մարզպետի և ազգաբնակչության անմիջական կապը ամրապնդելու նպատակով ամենամյա ընդունելությունները իրականացվում են համայնքներում, իսկ բարձրացված խնդիրները ուսումնասիրվում են տեղում: 2019 թվականին մարզպետի մոտ կատարվել է 1060 քաղաքացիների ընդունելություն:

Հաշվետու ժամանակաշրջանում համագործակցված աշխատանքներ են տարվել տեղական ինքնակառավարման մարմինների և պետական կառավարման համակարգի մարմինների հետ:

Հետևողական միջոցներ են ձեռնարկվել մարզի համայնքների 2019 թվականի տարեկան աշխատանքային պլանների հաստատման ուղղությամբ աշխատանքային պլանները, որոնք բխել են համայնքների զարգացման ծրագրերից: Համակարգվել է 2019 թվականին փետրվարի 17-ին Մալիշկա համայնքի ղեկավարի արտահերթ ընտրությունների գործընթացը: Իրականացվել է ընտրությունների նախապատրաստման, կազմակերպման և անցկացման աշխատանքների նկատմամբ վերահսկողություն:

„ՀՀ 2019 թ. պետական բյուջեի մասին,“ ՀՀ օրենքով Վայոց ձորի մարզպետարանին 23 ծրագրերով 2019 թ.-ի համար նախատեսվել են ծախսեր 3001331.6 հազ. դրամ փաստացի ֆինանսավորվել է 2819321.4 հազ. դրամ, ֆինանսավորումը կատարվել է 93.94%-ով: ՀՀ վարչապետի 2019 թ. մարտի 19-ի 278-Ա որոշմամբ ստեղծված հանձնաժողովի կողմից հավանության արժանացած սուբվենցիոն ծրագրերով մարզի համայնքներում իրականացվել է 22 ծրագրեր, որն իր մեջ ընդգրկում է 40 օբյեկտ՝ 576 157.34 հազ. դրամ գումարով, այդ թվում՝ Արենի համայնքի Արենի, Աղավնաձոր, Արփի, Չիվա և Ռինդ բնակավայրերում փողոցների փոսային լցում կամ ասֆալտապատում (Ռինդ և Արփի բնակավայրերի փողոցների ասֆալտապատումը եղանակային պայմաններից ելնելով տեղափոխվել է 2020 թվական): Եղեգիս համայնքի Շատին բնակավայրի մանկապարտեզի վերանորոգում (Շենքի լրացուցիչ ամրացման անհրաժեշտությամբ պատճառով ծրագիրը տեղափոխվել է 2020 թ.): Զերմուկ քաղաքի մարզադպրոցի մասնաշենքի հիմնանորոգում և արդիականացում (եղանակային պայմաններից ելնելով տեղափոխվել է 2020 թվական):

2019 թվականին մարզ են այցելել ավելի քան 120000 զբոսաշրջիկներ, ինչը զգալիորեն խթանել է ենթակառուցվածքների զարգացմանը: <<20 անիրանականանալի իրականություն>> ծրագրում ներառված է Վայոց ձորի պատմամշակութային և տեսարժան վայրերի 6 օբյեկտներ:

„Հայաստանի տարածքային զարգացման հիմնադրամի,“ կողմից պետական բյուջեի միջոցներով իրականացվել են մարզի համայնքների հրատապ լուծում պահանջող հիմնախնդիրների 10-ը ծրագրեր՝ 78972.76 հազար դրամի չափով:

„Հայաստանի ֆուտբոլի ֆեդերացիայի,“ պատվիրատվությամբ՝ 155 542.4 հազ. դրամով, այդ թվում՝ համայնքների համաֆինանսավորմամբ 25 943.5 հազ. դրամի չափով կառուցվել են մինի ֆուտբոլի 10 մարզադաշտեր:

„ՎիվաՍել ՄՏՍ,“ և „Վայրի բնության ու մշակութային արժեքների պահպանման հիմնադրամի,“ միջոցներով՝ 61 394.55 հազ. դրամի ֆինանսավորմամբ՝ 4 համայնքներում կատարվել են ջրագծերի հիմնանորոգման և փողոցային լուսավորության կառուցման աշխատանքներ:

Համայնքային բյուջեի միջոցներով՝ 67 545.66 հազ. դրամի չափով մարզի բնակավայրերում կատարվել են հիմնական և ընթացիկ նորոգման աշխատանքներ:

Ընդամենը մարզում 2019 թվականին, բոլոր ծրագրերով՝ իրականացվել է 1 475 214.18 հազ. դրամի շինմոնտաժային աշխատանքներ:

Մարզի գյուղատնտեսության բնագավառում տեղի ունեցել դրական տեղաշարժեր ձեռք են բերվել բարձր մթերատվության անասուններ, հիմնվել են ինտենսիվ մշակության այգիներ, կատարվել են ներդրումներ, մասնավորապես՝ Ջերմուկ համայնքի Կարմրաշեն բնակավայրում կատարվել է 100-120 մլն դրամի ներդրում՝ 100 գլուխ մսային ուղվածության խոշոր եղջրավոր կենդանի ձեռք բերելու, տիպային անասնագոմի և սպանդանոցի կառուցուման համար, Չիվա բնակավայրում գործարար Մհեր Տերտերյանի կողմից հիմնվել է 40 հա խաղողի այգի/կաթիլային ոռոգման համակարգով/: Իսկ. ամերիկահայ ներդրող Ավո Դավթյանի կողմից գնվել է 60 հեկտար հողատարածք, որի վրա հիմնվել է խաղողի այգի::

Մարզային առողջապահական հաստատությունների ֆինանսավորման համար հատկացվել է՝ 2019թ.-ին 767420.3 հազ. դրամ: 2019թ. վճարովի ծառայությունը կազմել է 79288.2 հազ դրամ, նախորդ տարվա նույն ժամանակաշրջանում եղել է 60393.4 հազ.դրամ (աճը կազմում է 18894.8 հազ. դրամ): Մարզի հիվանդանոցային բժշկական հիմնարկները համալրվել են շտապ օգնության 5՝, 1 ռեանիմոբիլ և 4 գծային մեքենաներով, բուժսարքավորումներով: Մարզային հիվանդանոց կառուցելու նպատակով 2019թ. Եղեգնաձոր քաղաքում լուծվել է հողհատկացման խնդիրը, ներկայումս ընթանում են նախագծման աշխատանքները:

Հաշվետու ժամանակաշրջանում մարզի սոցիալական աջակցության տարածքային 3 գործակալություններում փաստագրվել են 2266 ընտանիքներ: Նպաստ են ստանում 1864 ընտանիք, որից ընտանեկան նպաստ՝ 1387 և սոցիալական նպաստ՝ 477 ընտանիք: Վճարվել է 673,7 մլն դրամի նպաստ:

Մարզում գործում են ՀՀ Կրթության, գիտության, մշակույթի և սպորտի նախարարության ենթակայությամբ 3 ավագ դպրոցներ, որտեղ սովորում են 736 աշակերտներ:

Մարզային ենթակայությամբ ունենք 45 կրթօջախ՝ որոնցից 31-ը միջնակարգ են, 14-ը՝ հիմնական: Մարզային ենթակայությամբ գործող 45 դպրոցներում սովորում են 5768 աշակերտներ, աշխատում են 883 ուսուցիչներ: Դպրոցների շրջանավարտների 80%-ը 2019 թվականին ընդունվել են ԲՈՒՀ:

2019 թվականին զգալիորեն ակտիվացել է մարզի մշակութային կյանքը, ունենք 31 մշակույթի տներ, որից մեկը մարզային ենթակայության՝ Եղեգնաձորում, իսկ մնացածները համայնքային են:: Եղեգնաձորի Ժողովրդական թատրոնը բռնել է մասնագիտական վերելքի ուղին, տարվա ընթացքում մարզում և ԼՂՀ-ում հանդես է եկել մի շարք ներկայացումներով:

2019 թվականին տարեկան պլանով նախատեսված բոլոր ծրագրերը ամբողջությամբ իրականացվել են:

1/17/2020

X *Ռ. Կրիգորյան*

ԱՐԱՐԱՏ ԳՐԻԳՈՐՅԱՆ

ՀՀ ՎԱՅՈՑ ՁՈՐԻ ՄԱՐԶՊԵՏ՝
Ա.ԳՐԻԳՈՐՅԱՆ

Подписано: GRIGORYAN ARARAT 1310850550